

Broj:

Sarajevo, 31.10.2008. godine

Z A P I S N I K
4. sjednice Vijeća nacionalnih manjina Bosne i Hercegovine
održane 31.10.2008. godine

Sjednica je počela u 14,30 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Milivojević Iren, Vasilija Ibrahimagić, Jovanka Manzalović Šalaka, Jakob Finci, Darko Kovč, Halil Bicaj, Tihomir Knežiček i Andrija Svatok.

Opravdano je odsustvovala Marija Grbić.

Sjednici su također prisustvovali: Anđelka Dobrilović – stručni saradnik u Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH i Zoran Brkić – Sektor za odnose sa javnošću PSBiH.

Predsjedavajući Vijeća Nedžad Jusić, nakon što je pozdravio prisutne, predložio je sljedeći

DNEVNI RED

1. Usvajanje Zapisnika 2. i 3. sjednice Vijeća;
2. Razmatranje Informacije o finansijskom planu Vijeća 2008/2009 godinu;
3. Tekuća pitanja:
 - a. Informacija o pripremi za održavanje okruglog stola;
 - b. Informacija o provedbi monitoringa akcionog plana za obrazovne potrebe Roma i ostalih nacionalnih manjina u BiH;
 - c. Obezbjedjivanje tehničke pomoći za rad Vijeća.

Ad. 1. Usvajanje Zapisnika 2. i 3. sjednice Vijeća;

Vijeće je jednoglasno prihvatilo Zapisnike 2. i 3. sjednice.

Ad. 2. Razmatranje Informacije o finansijskom planu Vijeća 2008/2009 godinu;

Predsjedavajući Vijeća Nedžad Jusić, obrazložio je da je na predhodnoj sjednici Vijeća usvojen finansijski plan Vijeća za 2008/2009. godinu i da će u narednom vremenskom periodu članovima Vijeća biti refundirani troškovi za rad u Vijeću, kako je predviđeno finansijskim planom za 2008. godinu.

Vijeće je primilo informaciju k znanju.

Ad. 3. Tekuća pitanja:

- a. Informacija o pripremi za održavanje okruglog stola;

Predsjedavajući Vijeća Nedžad Jusić, istakao je da je dobio informaciju od Udruženja Crnogoraca i građana crnogorskog porijekla o broju pripadnika crnogorske nacionalne manjine koji su dobili mandad u opštinskim vijećima prema posljednjim izborima u BiH. **Jusić** je prodložio da Vijeće usvoji zaključak kojim se od Izborne komisije BiH traži da dostavi podatke o svim pripadnicima nacionalnih manjina koji su prema posljednjim izborima u BiH dobili mandad u opštinskim vijećima u BiH.

Zaključak je jednoglasno usvojen.

Nakon kraće rasprave Vijeće je donijelo odluku da će se okrugli sto na temu „Položaj nacionalnih manjina u BiH“ održati u drugoj polovini mjeseca februara 2009. godine, a da će do kraja decembra mjeseca 2008. godine, svi članovi Vijeća putem e-mail pošte dostaviti informacije vezane za trenutno stanje nacionalne manjine ispred koje dolaze, kao i prijedloge članova udruženja nacionalnih manjina koji će učestvovati na okruglom stolu.

- b. Informacija o provedbi monitoringa akcionog plana za obrazovne potrebe Roma i ostalih nacionalnih manjina u BiH;

Predsjedavajući Vijeća Nedžad Jusić, objasnio je da prema planu rada za 2009. godinu planiran obilazak svih ministarstava obrazovanja u BiH kako bi se izvršio monitoring akcionog plana za obrazovne potrebe Roma i ostalih nacionalnih manjina u BiH, navedenim planom je predviđeno da svi članovi Vijeća prisustvuju svakom planiranom obilasku i sastancima sa ministrima kantona i entiteta.

Jakob Finci, predložio je da se prilikom održavanja naredne sjednice Vijeća planira i početak monitoringa akcionog plana za obrazovne potrebe Roma i ostalih nacionalnih manjina u BiH na način da se održi sastanka, sa predsjedavajućim Vijeća ministara BiH gospodinom Nikolom Špirićem, koji je nedavno potpisao akcioni plan za obrazovne potrebe Roma i ostalih nacionalnih manjina u BiH na regionalnom nivou, kao i sa ministrom civilnih poslova gospodinom Sredojem Novićem. A da se plan obilazaka napravi od januara ili februara 2009. godine kada su i planirana sredstava za navedenu aktivnost, takođe potrebno je formirati podgrupe od nekoliko članova Vijeća koji će obići određene instituciji sa osobama koje budu zadužene za pružanje tehničke pomoć za provedbu navedene aktivnosti.

Predsjedavajući Vijeća Nedžad Jusić, rekao je da će OSCE misija u BiH finansijski podržati održavanje okruglog stola i da će Parlamentarna skupština BiH pružiti tehničku podršku. **Jusić** je dodao da će na narednoj sjednici Vijeća jedna od tačaka dnevnog reda biti razmatranje provedbe monitoringa akcionog plana za obrazovne potrebe Roma i ostalih nacionalnih manjina u BiH i stim u vezi predložio sledeće zaključke:

Uputiti poziv predsjedavajućem Vijeća ministara BiH gospodinu Nikoli Špirić i ministru civilnih poslova gospodinu Sredoju Nović da prisustvuju 5. sjednici Vijeća nacionalnih manjina BiH;
O terminu održavanja 5. sjednice Vijeća upoznati Sektor za odnose sa javnošću Parlamentarne skupštine BiH, kako bi održavanje sjednice bilo medijski praćeno.

Vijeće je jednoglasno usvojilo navedeni zaključak.

- c. Obezbeđivanje tehničke pomoći za rad Vijeća.

Andrija Svatok, istakao je da je neophodno razmotriti pitanje na koji način da se poboljša saradnja Vijeća sa medijima u BiH.

Predsjedavajući Vijeća Nedžad Jusić, predložio je da Vijeće usvoji zaključak kojim se traži od Sekretarijata Parlamentarne skupštine BiH da odredi osobu ili osobe koje će biti zadužene za pružanje neophodne administrativno-tehničke podrške radu Vijeća nacionalnih manjina, da se reguliše pitanje propusnica za nesmetan ulazak u zgradu Parlamentarne skupštine BiH za članove Vijeća i da se izradi pečat i memorandum Vijeća, koji bi nosio naziv Vijeće nacionalnih manjina BiH i Savjet nacionalnih manjina BiH na dva zvanična pisma sa grbom BiH u sredini.

Vijeće je jednoglasno usvojilo navedeni zaključak.

Sjednica Vijeća je završena u 15,30 sati.

**Predsjedavajući Vijeća
Nedžad Jusić**